

Inatsisartut inatsisaat nr. 6, 13. maj 1993-imeersoq inatsisartunut ilaasortat akisussaannerat

§ 1. Inatsisartut inatsisaanni uani pineqarpoq Naalakkersuisut siulittaasuata Naalakkersuisunullu ilaasortat atorfirminnik ingerlatsinerminnut akisussaannerat.

§ 2. Kalaallit Nunaanni pinerluttulerinermi inatsimmi immikkoortoq siulleq aalajangersakkanut nalinginnaasunut tunngasoq taamaalluni atuutissaaq.

§ 3. Naalakkersuisunut ilaasortaq kinaluunniit sulianut naalakkersuinikkut oqartussaaffigisaminut tunngasunik aalajangiinernut akisussaavoq.

§ 4. Naalakkersuisut ataatsimiinneranni aalajangikkamut Naalakkersuisunut ilaasortaq kinaluunniit ataatsimiinnermi peqataasimasooq aalajangiinermullu akuerseqataasimasooq akisussaavoq. Taamatuttaaq akisussaatinneqassaaq ilaasortaq aalajangikkap pilerneranut allatut iliorluni peqataasimasooq.

§ 5. Inatsisinik unioqquitsinermi peqataanermut akisussaaneq pillugu pinerluttulerinermi inatsisini aalajangersakkamik atuinermi Naalakkersuisunut ilaasortaq sulisorisami qanoq iliorneranut peqataasutut isigineqassaaq

- 1) nalusimanngikkuniuk qanoq iliorneq taanna suliaajumaartoq, akornuserniarsimanagulu,
- 2) qanoq iliorneq taanna aalajangiinissap Naalakkersuisunut ilaasortap akisussaaffigisaata naammassinnaanut pisariaqartuusimappat pinngitsooraniluunniit iliuusissaasimappat, imaluunniit
- 3) qanoq iliorneq tamanna naammassineqartissinnaasimaguniuk pisariaqarneratut annertutigisumik nakkutilliinnginnermigut malittarisassaliunnginnermigullu.

§ 6. Naalakkersuisunut ilaasortaq § 10 naapertorlugu pineqaatissinneqassaaq piaaraluni imaluunniit mianersuaalliorujussuarnermigut Inatsisartut Naalakkersuisullu pillugit Inatsisartut inatsisaat inatsisilluunniit allat malillugit imaluunniit atorfirmi suunera malillugu imminut pisussaaf f igisassanngortitaasut malillugit iliunngikkuni.

Imm. 2. Imm. 1-imi aalajangersagaq aamma atorneqartassaaq Naalakkersuisunut ilaasortaq eqqunngitsumik paasinerluutaasinnaasumilluunniit inatsisartunut paasissutissiisimappat imaluunniit inatsisartut oqaluuserisassamik oqaluuserinninneranni paasissutissanik oqaluuserisap inatsisartunit aalajangiiffigineqarnissaanut annertuumik pingaaruteqartunik nipangiussisimappat.

§ 7. Naalakkersuisunut ilaasortap qanoq iliorneranik pissuteqartumik taarsiissuteqartitsinnaaneq eqqarsaatigalugu inuit pisortaqarfirmi kiffartortut ajoqusiinerinut taarsiisitsisarneq pillugu maleruagassiat tamanut atortuusut atussapput.

§ 8. Inatsisartut inatsisaat una malillugu unnerluutiginninneq pissaaq inatsisinik unioqquitsiunnaarnermiit kingusinnerpaamik ukiut tallimat qaangiutsinnagit.

§ 9. Pinerluttulerinermik inatsimmi § 30 Naalakkersuisunut ilaasortanut atortuunngilaq.

§ 10. Inatsisartut inatsisaanni uani aalajangersakkanik unioqquitsinerit pineqaatissiisutaassapput

Kalaallit Nunaanni pinerluttulerinermi inatsit malillugu.

§ 11. Inatsisartut aalajangissavaat pissutsit Naalakkersuisunut ilaasortap atorfimminik ingerlatsineranut tunngasut Kalaallit Nunaanni Politimesterimut paasiniagassanngortinneqassanersut unnerluussissutissanngortinniarneqassanersullu.

Imm. 2. Kalaallit Nunaanni Politimesterip aalajangissavaa unnerluutiginnittoqassanersoq pineqaatissiinissamik piumasqaatitalimmik.

Imm. 3. Suliassaq Kalaallit Nunaata Eqqartuussiviata suliarinneqqaartussatut suliarissavaa.

§ 12. Inatsisartut inatsisaat una junip aallaqqaataani 1993-imi atortuulissaaq.

Namminersornerullutik Oqartussat, ulloq 13. maj 1993

Lars Emil Johansen

/

Emil Abelsen